

安
徽
通
志
稿

大事記

大事記稿上卷上

史之有大事記蓋防於史記之年表昔者司馬遷作史記既詳其事於紀傳而又刪其繁撮其要爲十表以彙括之表與紀傳相爲表裏厥後宋呂祖謙因之而有大事記之作故大事記者表體也今省志之有大事記意在紀載一省中之政治興革自有歷史以來至於今以事爲經以年爲緯事各爲篇而詳其本末其體與祖謙書稍稍別矣且中國舊有之史無論其爲官書爲私家著述大都詳於中朝而略於地方而卽史冊所載累朝之事迹以觀又大都詳於兵爭而略於政變與民事故居今日而輯省志欲爲一詳且審之大事記而以附諸地方史勢尙有所不能今之所輯亦惟卽舊史之可考見者稍稍掇拾而以著於篇舊史所詳莫如兵故先述兵事夫兵亦政也舊志之言曰安徽與江蘇浙江江西湖北河南接壤四

卷上

安徽通志館大事記稿

方有事安徽當其衝安徽有事四方亦受其敝故安徽者中原兵事之樞紐也居今日而志安徽往代之兵爭其成敗得失在在足以資後鏡而舊志所采蕪而失其中茲詳爲別擇挈其綱維其敘述大旨仍本舊志成規而更旁考他籍稽其成敗得失之迹起東周訖清咸同朝都十有七篇篇中義例約分五類曰兩國兵爭曰革除之際兵爭曰內亂曰地方寇亂曰胡禍中國二千餘年中兵爭之造端以斯五者括之由一省而推諸全國亦約略可觀矣若夫清季變法之始末革命軍之興與夫民國以來黨政諸要端其事經緯萬千當於中下卷中述之云述大事記上

篇目 東周時吳楚兵爭記 楚漢之際兵爭記 漢內亂記 東漢地方寇亂記 三國時魏吳兵爭記 東晉內亂記 東晉胡禍記 六朝時南北兵爭記 隋唐之際兵爭記 唐內亂記 五代時南北兵爭記

南宋時金元兵禍記 元明之際兵爭記 明末地方寇亂記 明清之

際兵爭記 清地方寇亂記 清咸同時太平天國軍兵爭記 記中稱

引暨注語悉仍舊志原文其有增注則於舊注下為空方識別之分第一

至第十六為卷上第十七為卷下

附記

東周時吳楚兵爭記

周惠王二十年徐人取舒

春秋僖公三年杜預曰徐國在下邳僖縣東南舒國在江舒縣案晉之僮縣在今泗州東北兩漢舒縣今廬

江縣西百二十里晉舒縣今廬江縣治案清泗州今泗縣

襄王七年春楚人伐徐二月諸侯之大夫帥師救

徐冬楚人敗徐於婁林

春秋僖公十五年左傳杜預曰婁林徐地僮縣東南有婁亭通鑑輯覽注鳳陽府虹縣古婁亭是案虹縣今泗州是

九年春齊人徐人伐英氏以報婁林之役

春秋僖公十七年左傳杜預曰廬江郡六縣西有英氏城江南通志云六縣今

六安州案姚培謙云六安州西有英氏城接英山境案清六安州今六安縣

十五年秋楚成得臣帥師伐陳取焦

夷 春秋僖公二十三年左傳杜預曰焦今譙縣夷一名城父今譙郡城父縣案晉譙縣今亳州治晉城父舊在亳州東南七十九里今新設譙縣境

卷上

一一

安徽通志館大事記稿

清亳州三十年秋楚成大心仲歸帥師滅六

春秋文公五年左傳六國今六安州北十三里頃王四

年楚令尹大孫伯卒成嘉為令尹羣舒叛楚夏子孔執舒子平及宗子遂圍巢

春秋文公十二年左傳羣舒杜預曰舒庸舒鳩之屬廬江南有舒城舒城西有龍舒案晉廬江郡在今霍邱縣西五十五里晉龍舒縣今舒城縣治是姚培謙

云今舒城廬江二縣之境皆羣舒地巢杜預曰吳楚間小 定王六年夏楚人為

衆舒叛故伐舒蓼滅之楚子疆之及滑汭

春秋宣公八年左傳杜預曰舒蓼二國名孔穎達曰當云一國名案通雅

舒蓼今六安姚培謙曰舒蓼今廬江縣西故舒城是滑汭當在廬州府東境

簡王二年巫臣通吳於晉教吳戰陳吳

始伐楚伐巢伐徐入州來

春秋成公七年左傳州來杜預曰楚邑淮南下蔡縣案晉下蔡縣在今壽州北四十里雍正十一年分壽

州置鳳台縣通鑑輯覽注鳳台縣北下蔡故城春秋

十二年舒庸人道吳圍巢

伐駕圍盩虺楚公子橐師襲舒庸滅之

春秋成公十七年左傳杜預曰舒庸東夷國巢盩虺楚四邑姚培謙曰四邑俱在

廬州府境江南通志巢即居鄆駕盩皆在無為州境地在江蘇沛縣南案清無為州今無為縣

靈王二年春楚子重伐吳為

簡之師克鳩茲至於衡山子重歸吳人伐楚取駕

春秋襄公三年左傳杜預曰鳩茲吳邑在丹陽蕪湖縣東

衡山在吳興烏程縣南案今太平府蕪湖縣東四十里有鳩茲港島程在今浙
江湖州距鳩茲遠姚培謙謂衡山是今太平府當塗縣東北六十里之橫山江
南通志衡山一名橫山在當塗縣
十二年吳侵楚養由基奔命子庚以師繼之戰於庸浦大敗

吳師春秋襄公十三年左傳江南通志引地名考云庸浦今無為州江浦二十三年夏楚子為舟師以伐吳不為

軍政無功而還吳人為楚舟師之役故召舒鳩子請受盟楚師還春秋襄公二十四年左傳杜預曰荒浦舒鳩地二十

四年舒鳩人卒叛楚令尹子木伐之及離城子驪息桓子捷子驍子孟帥左師

以退吳人居其間七日吳師大敗遂圍舒鳩八月楚滅舒鳩春秋襄公二十五年左傳離城杜預

曰舒鳩城姚培謙云今廬州府舒城縣境十二月吳子諸樊伐楚以報舟師之役門於巢巢牛臣

隱於短垣以射之卒同上二十五年楚子秦人侵吳及雩婁聞吳有備而還春秋襄公

二十六年左傳杜預曰雩婁今屬安豐郡江南通志雩婁今霍邱縣西南案非兆洛云晉安豐郡今河南固始雩婁今河南商城東北景王七年

六月丙子楚子合諸侯於申徐子吳出也以為武焉故執諸申秋七月楚子蔡

卷上

安徽通志館大事記稿

侯陳侯許男頓子胡子沈子淮夷伐吳春秋昭公四年左傳杜預曰胡國汝陰縣西北有胡城續漢志汝陰本胡國案

魯汝陰縣今阜陽縣治冬楚箴尹宜咎城鍾離遷啓疆城巢然丹城州來同上江南通志鍾離今鳳陽府

八年冬十月楚子以諸侯及東夷伐吳越大夫常壽過帥師會楚子於瑣闈

吳師出遷啓疆帥師從之吳人敗諸鵠岸楚子以駟至於羅汭次於萊山入南

懷及汝清吳不可入楚子遂觀兵於坻箕之山而還使沈尹射待命於巢遠啓

疆待命於雩婁春秋昭公五年左傳杜預曰瑣楚地鵠岸廬江舒縣有鵠尾濱案瑣在今霍邱縣東鵠岸今繁昌縣西南大江中有鵠洲自銅

陵縣之鵠頭山沿江而下至三山為鵠尾故江曰鵠江岸曰鵠岸坻箕之山今巢縣南二十七里鵠頭山與地志謂即坻箕山春秋築注南懷汝濤在今江

淮九年秋楚遠涉伐徐吳人救之令尹子蕩伐吳師於豫章次於乾谿吳人敗

其師於房鍾春秋昭公六年左傳杜預曰乾谿在譙國城父縣南楚東境房鍾吳地江南通志城父舊城在亳州南三十里房鍾在蒙城案姚培

詳云豫章當在江北淮水南二十一年冬吳伐楚戰於長岸大敗吳師獲其乘舟餘皇春秋昭公十七

年左傳江南通志引地名考今太平府西南五十里東梁山與和州南七十

縣 二十二年楚使太子建居城父守邊史記楚世家 楚人城州來春秋昭公十年左傳 敬王

元年秋吳人伐州來楚遠越帥師及諸侯之師救州來吳人禦諸鍾離戊辰晦

戰於鷄父吳師獲胡沈之君及陳大夫春秋昭公二十三年左傳杜預曰鷄父

注江南通志並云在今壽州西南六十里 楚太子建之母在居巢聞吳使公子光伐楚遂敗陳蔡

取太子建母而去史記楚世家楚平王十年案左傳在魯昭公二十二年冬楚子為

舟師以略吳疆及圍陽而還吳踵楚而邊人不備遂滅巢及鍾離春秋昭公二十

史記楚世家云吳之邊邑卑梁與楚邊邑小童爭桑兩家交怒相攻滅卑梁人

卑梁大夫怒發邑兵攻鍾離楚王怒發國兵滅卑梁吳王大怒亦發兵使公子

光因楚建母家攻楚遂滅鍾離居巢又吳世家云楚邊邑卑梁氏之處女與吳

邊邑之女爭桑二女家怒相滅兩國邊邑長怒而相攻滅吳之邊邑吳王怒故

遂伐楚拔居巢鍾離案史記此事左傳無之卑梁或云三年楚子使遺射城州屈

云楚邊或云吳邊爭桑或云處女或云小童並歧出 復茄人焉使熊相謀郭巢春秋昭公二十五年左傳江南通志引 五年吳子

使公子掩餘公子燭庸帥師圍潛楚莠尹然工尹麇帥師救潛左司馬沈尹戌

帥都君子與王馬之屬以濟師與吳師遇於巢令尹子常以舟師及沙汭而還

左尹郤宛工尹壽帥師至於潛吳師不能退吳公子光弑王僚掩餘奔徐燭庸

奔鍾吾楚師還春秋昭公二十七年左傳杜預曰潛楚邑在廬江六縣西南通

有潛城又云水經注窮水出安豐縣窮谷即楚與吳師遇處在今鳳陽府霍邱

縣西又云水經注沙到浚儀而分注東注沙南流至義城縣西南入於淮謂

之沙汭楚東地也義城在今懷遠縣東北 八年吳子使徐人執掩餘鍾吾人執燭庸二公子奔楚楚

子逆吳公子使居養取於城父及胡田以益之將以害吳也吳子怒冬十二月

吳子執鍾吾子遂伐徐防山以水之己卯滅徐徐子章禹奔楚楚沈尹戌帥師

救徐弗及遂城夷使徐子處之春秋昭公三十年左傳 三年吳人侵楚伐夷侵潛六

楚沈尹戌帥師救潛吳師還楚師遷潛於南岡春秋昭公三十一年左傳江

十二年夏桐叛楚吳子使舒鳩氏誘楚人秋楚囊瓦伐吳師於豫章吳人見舟

於豫章而潛師於巢冬十月吳軍楚師於豫章敗之遂圍巢克之春秋定公二年左傳杜預

卷上

四

安徽通志館大事記稿

曰桐小國廬江舒縣西南有桐鄉江南通志桐
今桐城縣北有古桐城即桐國 二十五年二月辛丑楚子滅胡

吳之入楚也胡子蓋俘楚邑之近胡者楚既定胡子豹又不事楚楚滅胡以胡

子豹歸春秋定公十三年三十一春吳伐陳楚子救陳師於城父春秋哀公六年左傳

十年夏楚子西子期伐吳及桐汭春秋左傳哀公十五年杜預曰宣城廣德縣

廣德縣在今廣德州今郎溪縣東 四十二年吳人伐慎楚白公敗之春秋左傳哀公十六年杜預曰汝陰慎縣

也江南通志今類 元王四年冬十一月越滅吳春秋左傳哀公二十二年句踐已平吳以兵

北渡淮與齊晉諸侯會於徐州徐從人音已去渡淮南以淮上地與楚歸吳所

侵宋地於宋與魯泗東方百里史記越世家定王史記周本紀六國表並二十四年楚

與秦平楚東侵廣地至泗上史記越世家秦始皇帝六年楚考烈王與諸侯伐秦

不利楚東徙壽春命曰郢史記楚世家是年秦尚稱二十二年李信敗楚軍引

兵西與蒙恬會城父楚人隨之大破李信軍信奔還史記王二十三年秦王翦

卷上

楚至斬南殺其將軍項燕史記王翦傳秦始皇本紀項燕自殺在二十四年

二十四年秦滅楚虜王芻置楚郡史記楚世家案楚世家及王翦傳並在秦始皇

志案楚郡今壽州 案注中所稱舊志 謂清道光志也今所據為清同治志

論曰清顧棟高春秋大事表論吳楚用兵之得失也謂吳楚共長江之險吳居

楚下流仰攻不能勝故用兵嘗從淮右北道鳩茲為今蕪湖縣此楚從水道勝

吳也而吳之報楚則取駕駕在今無為州境此從陸道前此巫臣未通吳以前

吳不諳乘車不能陸戰故入春秋以來踰百年嘗役屬於楚至此乃得射御長

技與楚角遂於中原平地案顧氏之言是也春秋時吳之患楚恆以陸不以水

而兩國用兵之地則多在州來成七年吳入州來昭四年楚然丹城州來十二

年楚子狩於州來十三年吳滅州來十九年楚城州來二十三年吳伐州來楚

遠越帥師及諸侯之師救州來蓋州來當今鳳臺縣地為吳楚中間要害處吳

得州來可以窺楚楚控州來可以禦吳相其地勢亦如三國時曹孫之爭合肥六朝時南北之爭壽陽矣然以長江形勝居上游者可以從容控制下游居下游者極用兵之能事亦不過為慮上游而已故以吳之強雖入郢不能滅楚而厥後吳越之地終為楚有觀於吳楚用兵之得失與其成敗凡立國而地居下游者可以知所鑒矣

楚漢之際兵爭記

秦二世元年秋七月戌卒陳勝等反史記秦本紀時發閭左戍漁陽者九百人屯大

澤鄉徐廣曰在臨縣案今宿州境陽城人陳勝陽夏人吳廣為屯長會天大雨道不通度已失

期法皆斬勝廣因天下之愁怨乃殺將尉令徒屬詐稱公子扶蘇項燕為壇而

盟稱大楚攻大澤鄉拔之攻蕲今宿州南四十里蕲下乃令符離人今宿州地葛嬰將兵

徇蕲以東攻鉅野苦柘譙皆下之徐廣曰苦柘屬陳餘皆在沛案蕲在今宿州西南四十六里譙今亳州治也漢沛郡鄆縣唐宋屬亳

卷上

六

安徽通志館大事記稿

州在今河南永城西南矣行收兵比至陳卒數萬人入據之遂自立為楚王號為張楚郡縣苦

秦吏皆殺其守尉令丞以應之史記陳涉世家綱目陳王初立時凌人秦嘉凌舊州作陵誤今據

漢志泗水國浚從水在今江蘇宿遷縣東南鍾人董緹符離人朱雞石取慮人鄒布徐人丁疾等皆

特起將兵圍東海史記陳涉世家綱目符離二年冬十一月二世益遣長史司馬

欣董翳佐章邯擊楚臘月楚王至下城父今蒙城縣西北下城父聚其御莊賈殺之以降勝

故涓人呂臣為蒼頭軍起攻陳殺賈復以陳為楚廣陵人召平聞陳王敗乃渡

江矯王令拜項梁為上柱國梁乃以八千人渡江而西聞陳嬰已下東陽今天長縣

西遣使與連和俱西嬰以兵屬梁及渡淮英布蒲將軍亦以兵屬焉居鄉人今

范增年七十好奇計往說梁立楚後梁然其言乃求得懷王孫心於民間為

人牧羊立以為楚懷王都盱眙史記通鑑綱目漢高帝元年春項羽立黥布為九江王

都六史記項羽本紀綱目漢二年夏四月漢王帥五諸侯兵五十六萬人伐楚入彭

城項羽圍之自以精兵三萬與漢大戰彭城靈壁東睢水上大破漢軍漢軍入穀泗及睢水死者二十餘萬人史記項羽本紀高祖本紀綱目四年秋七月立黥布爲淮南王史記漢書

高帝紀綱目五年冬十月帝追項羽至固陵韓信彭越皆引兵來十一月劉賈圍壽

春誘楚大司馬周殷殷畔楚以舒屠六以舒之衆屠破六縣舉九江兵迎黥布並行屠城

父皆會垓下史記在高祖四年今據漢書高帝紀十二月羽至垓下兵少食盡信等以大軍乘之

羽敗入壁漢及諸侯兵圍之數重羽夜潰圍南出馳走渡淮至陰陵迷失道陷

大澤中漢騎將灌嬰追及之至東城欲東渡烏江自刎而死楚地悉定史記漢書綱目

舊志案壽春秦邑即今壽州垓下在舊虹縣西五十里今併入泗州東城故城在今定遠縣東南五十里陰陵縣故城在定遠縣西北六十五里陰陵山在今

和州城北八十里烏江浦在今和州城北故烏江縣四里

論曰秦之亡也陳勝等起大澤鄉元之亡也明祖起濠州大澤鄉在今宿縣境濠州者古之鍾離今之鳳陽皆皖地也夫以民衆而顛覆在上之政府莫先於

卷上

七

安徽通志館大事記稿

陳勝之囚秦以匹夫而恢復漢族之河山莫先於明祖之亡元而其舉事皆在皖地皖在革命歷史中誠有光榮可稱者矣大抵中國國勢天下承平則守在西北而一旦有事則發難者多在東南此固由於天時地利之不齊而人心之靜躁亦於此可觀焉且南方之有楚人所謂性剽疾而敢於冒死者也惟其性剽疾故喜事易動惟其敢冒死故一事之起往往爭先爲天下倡雖斷脰決踵有所不悔辛亥革命之役首舉義旗者武昌軍也皖潯繼之江甯旋下清廷洵懼遜位而共和之局以成人謂楚粵爲革命策源地而皖爲尤古夫革命於歷史爲光榮而在人民心目中蓋亦至不得已由後以思前彼隴上耕夫輟耕太息之事爲國者其可忽視而不早爲之所哉

漢內亂記

高帝六年春正月以故東陽郡鄆郡吳郡五十三縣立劉賈爲荊王漢書高帝紀文穎曰

郡今丹陽也韋昭曰郡後徙丹陽轉以爲縣故曰故郡 十一年秋七月淮南王黥布因淮陰侯死已心

恐及彭越誅醢其肉以賜諸侯布見醢大恐陰令人部聚兵候伺旁郡警急中

大夫賁赫得罪於布乘傳詣長安上變言布謀反有端上繫赫使人驗之布遂

族赫家發兵反時上有疾欲使太子擊布留侯所召四人者說呂釋之請呂后

乘間爲上言於是上自將而東布之初反謂上老厭兵必不能來諸將獨患淮

陰彭越今皆已死餘不足畏東擊荊荊王賈走死擊楚楚與徐僮間爲二軍欲

以相救皆敗布遂引兵西史記黥布傳綱目舊志案徐故城在今泗州北五

十二年十月高帝破布軍於蘄西綱目史記作會甄在黥縣西今宿州地也

景帝三年吳王濞恐削地無已說膠西膠東菑川濟南趙楚七國同反天子乃

遣太尉條侯周亞夫將三十六將軍往擊吳楚亞夫使弓高侯等將輕騎兵出

淮泗口絕吳楚兵後食道吳兵飢引而去太尉追擊大破之史記漢書吳王濞傳武帝元

卷上

安徽通志館大事記稿

狩元年冬十月淮南王安與賓客左吳等日夜謀反召中郎伍被與謀安使人

僞得罪而西事大將軍兵發卽刺殺大將軍會安太子謀殺漢使事覺廷尉逮

捕安欲發兵猶豫未決被自詣吏告與安謀上使宗正以符節治安未至安自

刎綱日本史記漢書列傳新莽天鳳四年秋臨淮瓜田儀等兵起莽遣使者赦之綱目漢書

而死漢書王莽傳淮陽王更始元年冬十月莽廬江連率李憲據郡稱淮南王後漢書李

憲傳二年冬梁王劉永據國起兵攻下沛楚等二十八城綱目沛楚舊志作沛

永睢陽永將慶吾斬永降蘇茂周建奔垂惠立永子紆爲梁王後漢書光武

下見四年秋七月帝幸譙遣捕虜將軍馬武偏將軍王霸圍劉紆於垂惠後漢書光武

武紀章懷注垂惠聚在亳八月帝幸壽春遣揚武將軍馬成率三將軍伐李憲

州山桑縣西北一名禮城

九月圍憲於舒舊志引通鑑綱目今據後漢書本紀五年二月馬武王霸拔垂

惠後漢書光武紀六年春正月將軍馬成等拔舒李憲亡走其軍士帛意斬之以降餘

黨猶數千人屯潛山攻殺安風令廬江人陳衆單車白馬往說而降之據後漢書本紀及李

憲馬成各傳明帝永平十三年十一月楚王英謀反廢國除遷於涇縣後漢書明帝紀章懷注涇縣漢

屬丹陽郡唐宜州縣故城在縣東有涇水出蘇湖因水立名案今甯國府涇縣是

論曰中國內亂之因在封建時爲諸侯在郡縣時爲藩鎮一部春秋東周之內

亂史耳漢興鑒於秦之孤立無輔乃大封功臣同姓以矯之然及高帝之身反

者已如蝟毛而起賈生之疏言之詳矣夫以兵爭天下者不難於起事時之用

兵而難於事定後之弭兵急於弭兵者乃日增不可弭前事往往有然矣當高

帝項羽並起亡秦時彼此同爲義帝之臣故等夷也及秦亡而劉項之爭以起

垓下之戰一成一敗項蹶而劉興而當高帝兵困成皋時彼淮陰彭越黥布諸

卷上

九

安徽通志館大事記稿

人者咸以其所將之兵日從高帝與項羽轉門櫛風沐雨頭如蓬葆彼此相倚

如心腹手足又呂后所謂諸將皆陛下故等夷者也及天下大定淮陰誅彭越

黥布反高帝身歿於兵間以手創未竟之事業遺之後人文景之時同姓諸

侯王日懷反側之心王室凜凜不得安七國難作乃用賈生之策衆建諸侯而

少其力沿及武帝前後百年之間而亂乃漸定蓋弭兵之難如此是故芟夷功

臣誅鋤同姓亦專制帝王勢有必至情有難忍之行爲未可訾其完全出於刻

薄寡恩也黥布吳濞之徒手重兵居四戰之地欲其長爲人下甯可得哉而或

者謂江淮之間民多輕心故易於煽亂者猶未爲探源之論矣

東漢地方寇亂記

光武帝建武十七年秋七月妖巫李廣等羣起據皖城後漢書光武紀初卷人維汜託

言稱神有弟子數百人坐伏誅其弟子李廣等宣言汜神化不死以誑惑百姓

聚會徒黨攻沒皖城殺皖侯劉閔自稱南岳太師遣謁者張宗將兵數千討之
為廣所敗於是發諸郡兵合萬餘人後漢書遣虎賁中郎將馬援票騎將軍段

志討之九月破皖城斬李廣等後漢書順帝永和三年夏四月九江賊蔡伯流寇

郡界閏月率眾詣徐州刺史應志降後漢書順帝紀案後漢九江郡在今定遠縣西北六十五里建康元年八月

後漢書順帝紀 九江賊范容周生等相聚反屯據歷陽遣御史中丞馮緄將兵督揚州

刺史尹耀九江太守鄧顯討之後漢書九月軍敗耀顯為賊所殺十一月紀陰

陵人後漢書九江郡今懷遠縣西北徐鳳馬勉等復寇郡縣殺略吏民鳳稱無上將軍勉稱皇帝

築營於當塗山中後漢書案此當塗在今懷遠東南案懷遠注在宜十二月紀沖帝

遣別賊黃虎攻沒合肥後漢書沖帝永嘉元年正月九江賊徐鳳等攻殺曲陽東

城長三月九江都尉滕撫討之後漢書實帝紀案懷注山陽淮山之陽在濠州定遠縣西

撫與馮緄合州郡兵共斬馬勉范容周生等徐鳳將餘眾燒東城縣下邳人謝

卷上

十

安徽通志館大事記稿

安設伏擊鳳斬之後漢書實帝紀案懷注山陽淮山之陽在濠州定遠縣西

守江漢擊破之秋七月廬江賊攻盱台即盱滕撫遣司馬王章擊破之冬十一

月歷陽賊華孟自稱黑帝攻殺九江太守楊岑撫率諸將擊孟等實帝紀破之於

是東南悉平後漢書靈帝建寧二年九月丹陽山越賊鬪太守陳黃黃擊破之後漢書

帝紀熹平元年十一月會稽人許生自稱越王寇郡縣丹陽太守陳黃討破

之三年十一月斬許生後漢書靈帝紀 光和三年夏四月江夏蠻叛後漢書廬江賊黃

穰等與江夏蠻連結攻沒四縣廬江太守陸康擊破穰等餘黨悉降後漢書中

平元年春二月鉅鹿人張角自稱黃天其部眾三十六萬皆著黃巾同日反叛

三月以何進為大將軍將兵屯都亭遣皇甫嵩朱儁討黃巾後漢書進遣都尉毋

邱毅詣丹陽募兵劉備與俱三國志備表前盱眙丞孫堅為佐軍司馬三國志

揚州黃巾賊攻舒焚燒城郭廬江太守羊續發縣中男子數萬人力戰大破之

郡界平後安風

縣屬廬江郡今壽縣西南百三十里

賊戴風等作亂續生獲渠帥其餘黨原為

平民使就農業

後漢書羊續傳

論曰自古寇亂之興多原於政治之不良吾讀後漢書至明章以後而歎地方何其多事也當其時女后臨朝宦豎弄權鈞黨刊章非刑鯨作中朝士大夫之忠良者多不容於位而郡縣官吏迎合意旨以阿諛貪佞為工不以民生為事上下之情不相通士氣摧殘民怨沸騰奸人乘時而起擄掠攻劫所在多有以訖於桓靈而漢之為漢已殆哉岌岌不可為矣丹陽者徽甯萬山之中人民愚樸誠耕鑿自守自古不通於上國乃亦有圍城燒亭寺之事焉則其時為何如時耶吾意當時寇盜中容有迫於生計困於飢寒如秦之陳勝吳廣因天下之愁怨逐風塵而生事者特其盜竊名字朝起夕滅有類蚍蜉蟻子之所為史册紀載又多諱而不詳但羣呼之為寇盜已耳若夫天師五斗米之徒蒼天黃天之謠詆言無稽誑惑百姓斯誠世之亂民古所謂執左道亂正殺無赦者人其人火其書絕其本根蓋不足惜云

三國時魏吳兵爭記

漢獻帝初平元年春正月山東州郡起兵以討董卓

後漢書獻帝紀

推袁紹為盟主奮

武將軍曹操引兵西到汴水戰不利乃詣揚州募兵刺史陳溫丹陽太守周昕

與兵四千餘人還到龍亢

今懷遠縣西北

士卒多叛至鍾

今宿州西南

建平

今河南永城縣西南

復收

兵得千餘人進屯河內

三國志魏武紀

四年春正月袁術為劉表所逼進兵北向曹操

擊破之走歸遂所置揚州刺史陳瑀據壽春領揚州事

綱目案後漢書獻帝紀及陳瑀傳並作揚州刺史陳

溫三國志袁術傳同裴松之引英雄記溫先病死不為術殺瑀為揚州刺史拒術攻之瑀走下邳

興平元年孫策到壽春見袁

術遂詣丹陽依吳景術以堅部曲還策太傅馬日磾在壽春辟策表拜懷義

校尉時術屯兵壽春部曲飢餓從廬江太守陸康求米不與遣策攻康廬江拔

之術用其故吏劉勳為廬江太守

三國志孫策傳並注後漢書陸康傳

二年揚州刺史劉繇遣將屯

橫江當利以拒袁術十二月孫堅舊將丹陽朱治勸策歸取江東策說術術表

策折術校尉將兵千餘人行收兵至歷陽五六千進攻橫江拔之

綱目併志案橫江在

今和州東南二十五里當利今和州案橫江三國志作江津孫堅傳云孫遣樊能張英屯江邊建安元年夏

六月袁術攻劉備以爭徐州備使司馬張飛守下邳自將拒術於盱眙淮陰術

與呂布書勸合襲下邳布引軍東下飛敗走

綱目併志案下邳今泗州境案李兆洛云東漢徐州下邳國下邳縣在今江蘇

邳州東

二年秋九月曹操東征袁術術走渡淮

綱目

三年冬十二月曹操殺呂布

以孫策為討逆將軍封吳侯策自將討祖郎於陵陽禽之

綱目併志案陵陽今石埭縣

四年

夏袁術北走奔其部曲陳簡為簡所拒復走壽春六月至江亭憤慨歐血死術

從弟允率其部曲奔廬江太守劉勳於皖城綱目冬十一月廬江太守劉勳以袁

術部曲衆多不能贖遣從弟借求米於上繚諸宗帥不能滿數借召勳使襲之

卷上

十二

安徽通志館大事記稿

勳遂伐上繚至海昏宗帥皆逃時孫策引兵西擊黃州行及石城聞勳在海昏

乃與周瑜襲皖城克之得其部曲三萬餘人攻勳破之勳北歸許

綱目三國志劉子揚傳又

孫策傳注廬江界有山賊陳策衆數萬人曹操遣將克之

三國志劉子揚傳

五年秋劉備略

汝穎之間操使綱目仁擊破走之

綱目

六年孫權破太守李術於皖城以孫河領廬

江太守

三國志孫權傳注又孫韶傳注

十三年冬十二月孫權圍合肥使張昭攻九江之當塗昭

兵不利操遣張熹救合肥未至權退

三國志孫權傳又魏武紀

是歲丹陽欽賊帥金奇屯安

勤山毛甘屯烏聊山黟帥陳僕祖山等屯林歷山權使其將賀齊討平之分欽

為始新新定黎陽休陽并黟欽凡六縣為新都郡齊為太守立府於始新

舊志本綱

目今據三國志孫權及賀齊傳案林歷山在今黟縣西南十里新都今徽州府今案烏聊山在歙縣黎陽休陽今休甯縣

廬江營帥雷緒

率部曲數萬口歸劉備綱目十四年春三月孫權圍合肥久不下引兵還秋七月

曹操軍合肥開芍陂屯田冬十二月操留張遼樂進李典屯合肥而自率兵還

譙綱目舊志案弓陵在今壽州南譙今亳州十六年徐宣從操到壽春會西征乃以宣為左護軍留

統諸軍三國志徐宣傳十七年秋七月孫權作濡須塢綱目舊志案濡須水名在今巢縣治兩塢在今無為州東北五十里

十八年春正月曹操擊孫權進軍濡須口權率眾禦之相守月餘操引兵還綱目

十九年夏五月權征皖城閏月曹操遣廬江太守朱光屯皖城大開稻田呂蒙

言於孫權權乃親攻皖城蒙薦甘甯為升城督侵晨進攻食時破之獲朱光及

男女數萬口拜蒙為廬江太守還尋陽綱目通鑑二十年秋八月孫權率眾十萬圍

合肥大敗而還綱目二十一年鄱陽民尤突受曹操印綬化民為賊陵陽始安涇

縣皆與突相應賀齊陸遜討破突丹陽三縣皆降三國志賀齊傳二十二年春正月魏王

操擊孫權軍居巢二月進軍江西郝溪權在濡須口築城拒守遂逼攻之三月

權降綱目三國志魏武紀冬十月孫權遣陸遜討丹陽山寇平之還屯蕪湖綱目二十四年

曹操駐軍摩陂召夏侯惇拜前將軍督諸軍還壽春三國志夏侯惇傳誤作破呂布於摩陂今據武帝紀

及通後主建興元年魏黃初四年吳黃武二年春魏曹仁以步騎數萬向濡須吳朱桓兵纔

五千人乃偃旗鼓示弱以誘之仁遣其子泰攻濡須城分遣常雕王雙等襲

中洲桓遣別將擊雕等而身自拒泰泰燒營退桓遂斬雕虜雙綱目實雲中洲一在長沙之

前今陽縣一在郴州之東廢太平寺二年秋八月魏主丕以舟師擊吳循

蔡穎浮淮如壽春至廣陵時江水盛長會暴風至丕舟幾覆於是旋師綱目三年

夏五月魏主丕復以舟師伐吳八月自譙循渦入淮於廣陵故城臨江觀兵吳

人嚴兵固守時天寒冰舟不得入遂歸綱目舊志案渦水自黃河東流經蒙城沿懷遠縣東北與淮水合流至蚌埠

五年魏太和元年吳黃武六年吳將審意屯皖魏曹休擊破之三國志曹休傳六年夏五月吳使

鄱陽太守周魴詐以郡降於魏魏揚州牧曹休率步騎十萬向皖以應之魏主

叡又使賈逵向東關俱進八月吳主權至皖以陸遜為大都督以朱桓全琮為

左右督各督二萬人以擊休戰於石亭遜令桓琮為左右翼三道俱進衝休

伏兵因驅走之追至夾石斬獲萬餘綱目三國志陸遜傳舊志案東關在今巢縣東南四十里夾石水本作礮在今桐城

縣北四十里石亭八年魏太和四年冬十二月吳攻魏合肥不克而還綱目九年

冬十月吳主權遣中郎將孫布詐降於魏以誘揚州刺史王淩伏兵阜陵以候

之淩騰布書請兵迎之征東將軍滿寵以為必詐不與兵淩索兵不得乃單遣

一督將步騎七百人往迎之布夜掩擊死傷過半綱目案阜陵漢廣縣故城在今全椒縣東一十五里十

年秋九月吳陸遜引兵向廬江滿寵整軍趨揚宜口吳人聞之夜遜綱目十一年

魏青龍元年夏六月吳主權出兵欲圍新城以其遠水積二十餘日不敢下船

魏滿寵潛遣步騎伏肥水隱處權上岸伏軍卒起擊之斬首數百綱目舊志云

為州治南一十五里吳諸葛恪所築以居新附之衆今案此新城即滿寵於合

肥城西三十里更立之城與諸葛恪無涉三國志所云權向合肥新城是也舊

志用實冬十月權遣衛將軍全琮襲六安不克三國志十二年夏五月吳主

權入居巢湖口向合肥新城魏主叡御龍舟而東寵募壯

士焚吳攻具吳吏士多病又聞叡至遂退綱目舊志案巢湖在今巢縣十五年

魏景初元年冬十月吳拜丹陽太守諸葛恪為威北將軍封都鄉侯徙屯廬江

皖口綱目舊志案皖口在今安徽延熙四年魏正始二年夏四月吳全琮略

淮南魏將軍王淩敗之於芍陂綱目六年春正月吳諸葛恪襲六安破魏將謝順

營收其人民而去三國志十五年魏嘉平四年冬十月吳諸葛恪修東興隄左

右結山夾築兩城使全端留略守之十二月魏將胡遵諸葛誕攻東興恪將兵

救之遵等作浮橋以渡陳於隄上分兵攻兩城恪使將軍丁奉與呂據為前部

從山西上奉自率麾下逕進舉帆二日至東關遂據徐塘魏人不即嚴兵吳兵

鼓譟斫破其前屯魏軍驚擾散走吳軍振旅而歸綱目舊志案東興在今無為

吳濡一名十六年夏四月諸葛恪入淮南圍新城魏揚州牙門將張特守新城

濡須一名吳人攻之連月不能拔七月恪引去綱目十八年魏正始二年春正月魏揚州都

督張特守新城

督母邱儉刺史文欽起兵壽春討司馬師儉將五六萬衆渡淮至項堅守使欽在外爲游兵時師新割目瘤創甚與疾而東以荊州刺史王基爲前軍基進據南頓儉等亦往爭聞基先到乃還吳孫峻率兵襲壽春師命諸軍堅壁以待東軍之集遣諸葛誕自安風向壽春胡遵出譙宋絕其歸路儉欽進不得鬪退恐壽春見襲計窮不知所爲兗州刺史鄧艾將萬餘人趨樂嘉城儉使欽襲之欽引而東儉聞欽退恐懼夜走壽春亦潰孫峻進至橐泉欽詣峻降儉走慎縣人就殺之傳首京師

綱目舊志案壽春在今阜縣東北二十二年吳太平二年

夏四月魏揚州都督諸葛誕殺揚州刺史樂綝遣長史吳綱將小子覲至吳稱臣請救司馬昭奉魏主髦討之吳使將軍全懌全端唐咨等與文欽同救誕六月昭督諸軍進屯邱頭使將軍王基陳騫圍壽春圍未合懌等將衆因山乘險突入城昭飭基斂軍堅壁會吳朱異率三萬人屯安豐爲欽外勢基擊欽異皆

卷上

安徽通志館大事記稿

破走之秋吳孫綝大發卒出屯鏤里復遣異等解壽春之圍魏人又擊破之綝既不能拔出誕吳人咸怨全懌兄子輝等得罪於吳奔魏司馬昭作輝書告懌言吳主怒懌等不能拔壽春欲盡誅諸將家懌等遂率其衆出降

綱目景耀元年魏甘露三年春二月魏司馬昭圍壽春城中食盡降者日衆欽欲盡出北方人

省食與吳人堅守誕不聽由是爭恨遂殺欽欽子鸞歸於魏昭拔壽春殺鸞

綱目晉武帝泰始四年冬十一月吳將丁奉諸葛覲出芍陂攻合肥晉將

軍汝陰王駿義陽王望擊走之

晉書本紀七年二月孫皓帥衆趨壽陽遣大司馬望屯淮

北以拒之

晉書本紀咸甯四年冬吳人大佃皖城謀寇晉邊晉都督揚州諸

軍事王渾鎮壽春遣揚州刺史應綽督淮南諸軍攻破之

元年

吳天紀春伐吳諸軍並進正月王渾出橫江所向皆克二月王濬虜彬

晉書本紀及王渾傳綱目太康

擊破丹陽盛盛紀

此丹陽今歸州

克西陵荆門夷道杜預逼拔江陵詔濟與吳奮王

戎共平夏口武昌直造秣陵杜預分兵益濬徑造建業吳丞相張悌沈瑩諸葛
翽率衆至牛渚三月渡江與晉揚州刺史周浚大戰於板橋觀遜去悌敗爲晉
兵所殺並斬瑩吳人大震濬自武昌順流而下舟過三山舉帆直指建業吳主

皓面縛輿轎詣軍門降

綱目舊志案牛渚山在太平府城北二十五里下有磯曰牛渚去采石磯僅一里一名然犀浦又云三山磯在

今繁昌縣東北四十里下流蕪湖二十五里

論曰歷代創業之君其建國易而成功速者恒以得人心爲多所謂地利不如
人和者也蓋其時民衆之積怨政府也久矣處水深火熱之中日盼有能解其
焚而拯其溺者有大力者應運而興迎其機牙窺其權勢稍稍示天下以除舊
布新之所爲若可以養民欲給民求者而民卽已頌德歌功從之惟恐不及此
成功所以易也若其但爲私圖罔恤民隱爭城爭地鬪鬥不休民人知其所事

卷上

十六

安徽通志館大事記稿

於己無與也亦遂不再受其欺聽其去來不爲之助彼既失人和乃不得不爭
地利於是各以金革實力相見於戰場縱橫捭闔疲精竭智於戎馬之間上焉
者謂進攻中焉者謀保守下焉者保守不能則危亡隨之然而民人於此時左
右望而不知所歸死於兵戈死於賦歛爲數亦不知其紀極此其事不大可悲
耶漢末三國之爭所謂但爲私圖失人和而各爭地利者也蜀有劍關之危吳
有長江之險故魏不能逞其欲而中間魏吳之爭也尤劇赤壁之敗魏失上游
形勢故極力經營中權之地前後數十年兩國用兵多在合肥吳旣築濡須隔
東關屯重兵魏軍不能再出長江故長江形勝完全爲吳所有然吳以不得合
肥不能伸其馬足於中原雖奪皖城兵力亦僅及六安不克北進厥後晉太康
亡吳仍從荆襄上游順流東下而建業遂不能支蓋地利之足重也如是夫中
國大勢北可以奄有南而南不能奄有北明祖之崛起以驅除胡元從民之欲